

四庫全書

史部

欽定四庫全書

史部

欽定大清會典則例卷七十五

詳校官檢討臣劉炘

編修臣程嘉謨覆勘

總校官原任中允臣王燕緒

校對官中書臣潘奕雱

謄錄監生臣俞昌言

欽定四庫全書

欽定大清會典則例卷七十五

禮部

祠祭清吏司

祭統

一凡祀分三等

圜丘

方澤

祈穀

雩祀

太廟

社稷為大祀

日

月

前代帝王

先師孔子

先農

先蠶

天神

地祇

太歲為中祀

先醫

關帝

火神

北極佑聖真君

東嶽

都城隍

黑龍潭

玉泉山等廟

礮神

司土

司工

密神

倉神

門神

賢良祠

昭忠祠

雙忠祠

定南武壯王孔有德

果毅公謚宏毅額宜都果毅公謚恪僖遏必隆

大學士忠達公謚文襄圖海

定南將軍承恩公謚勤襄佟圖賴安北將軍承
恩公謚忠勇佟國綱內大臣承恩公謚端純佟
國維

內大臣承恩公謚恪僖哈什屯尚書承恩公謚
敏果米思翰承恩公謚莊愨李榮保等祠為羣
祀

一按期題請

郊

廟祭祀於前二歲之十月由部劄欽天監按祀典應卜
日者豫擇吉期冊開送部由部於前一歲之正
月開列所選吉日並諸祀之歲有定日者具疏
以

聞

命下通行直省一例遵行劄行太常寺按祀期豫行
題奏○乾隆十四年奏準每歲各祭祀嗣後由

禮部劄行欽天監恭選吉期具題奉

旨之後交太常寺按期豫行題請以符周禮大宗伯
卜日肆師以歲時序祭祀之義

一齋戒由部行文吏兵二部轉行文武衙門將
應入齋戒職名於祭祀前十日開送太常寺宗
室鎮國將軍以下奉恩將軍以上宗室覺羅都
統以下叅領輕車都尉佐領以上文職覺羅尚
書以下員外郎並員外郎品級官以上均由宗

人府開送八旗滿洲蒙古漢軍公侯伯以下輕
車都尉佐領以上滿漢文職大學士以下員外
郎並員外郎品級官以上均由吏部開送漢武
職冠軍使由鑾儀衛叅將游擊由步軍統領衙
門開送齋戒日不理刑名不辦事有緊要事仍
辦不燕會不聽音樂不入內寢不問疾弔喪不
飲酒不食葱韭薤蒜不祈禱不祭神不掃墓前
期一日沐浴有灸艾體氣殘疾瘡毒未愈者皆

不陪祀○順治八年定大祀致齋三日中祀致齋二日各衙門均設齋戒木牌○十四年

世祖章皇帝大祀

圜丘在大內致齋二日在

壇內齋宮致齋一日陪祀各官均赴

壇齋宿○康熙三十二年題準陪祀致齋各官有期服

者一年不得與齋戒大功小功總麻殁在

京師者一月不得與齋戒在

京聞計者十日不得與齋戒○雍正五年

諭

壇

廟祭祀理宜潔淨齋戒嗣後命御史二人各部院衙門
司官二人每旗賢能官各一人內務府官二人三旗
侍衛二人前往

壇內稽察其齋戒臨近時將旗下大臣職名具奏朕酌
量遣往稽察欽此○又議準應齋戒陪祀各官遇有

期年以下之服該衙門豫咨都察院注冊臨祭
祀時復咨都察院對冊有捏報者題叅○九年
議準六科給事中監察御史凡遇祭祀咸令齋
戒○十年

諭國家典禮首重祭祀每齋戒日期必檢束身心竭誠
致敬不稍放逸始可以嚴昭事而格神明朕遇齋戒
之日至誠至敬不但殿庭安設銅人即坐臥之處亦
書齋戒牌存心警惕須臾弗忘至內外大小官員雖

設齋戒牌於官署但恐言動起居之際稍有褻慢即
非致齋嚴肅之義考明代祀典凡陪祀及執事之人
有懸祀牌之例今酌定齋牌之式令陪祀各官佩著
心胷之間使觸目警心恪恭罔懈並得彼此觀瞻益
加省惕其於明禋大典愈昭虔潔著傳諭各部院八
旗並直省文武官一例遵行欽此○又奏準大祀中
祀凡

親詣行禮太常寺先期行文左右兩翼前鋒統領下

五旗護軍統領將應齋戒之前鋒統領護軍統領暨前鋒叅領護軍叅領對品之署副護軍叅領等各職名詳悉開送太常寺以便散給齋牌
○十一年覆準向例各衙門齋戒官職名皆先期行文太常寺轉送都察院稽察但稽察齋戒大臣無齋戒官職名無憑稽察嗣後齋戒之期各部院及八旗齋戒官除照舊知會太常寺轉送都察院外再造冊一本並送該寺存貯竣

欽點八旗大臣後令赴寺領取按冊稽察如各衙門
八旗不豫造冊移送者著稽察齋戒大臣叅奏
交與該部將經管造冊官照例議處○又覆準
文武官有署理協辦衙門行走者或在本任
衙門或在署理協辦衙門齋宿於冊送太常寺
時注明冊內以便稽察○乾隆元年議準

太廟

社稷均繫大祀應照

天

地

祈穀之例凡陪祀執事各官均令在該衙門齋宿稽察
齋戒大臣侍衛嚴行稽察○七年議準外省文
職自督撫以下道府以上武職自將軍都統副
都統提鎮以下協領叅將以上見任來京凡值
祭祀耕藉之期各由吏部兵部先期取齋戒職
名照例咨部及太常寺或偶因事故不能從祀

者準於冊內注明其陪祀之人於應齋戒日期
均在附近地方齋宿仍於職名下聲明齋所以
便稽察屆期投遞職名○又議準大祀

天
地

皇帝於大內致齋二日

壇內齋宮致齋一日王以下公以上均於府第齋戒二

日

壇外齋宿一日宗室奉恩將軍以上在該衙門齋戒二

日

壇外齋宿一日八旗滿洲蒙古漢軍輕車都尉佐領以上滿漢文職員外郎並員外郎品級官以上漢武職冠軍使叅將游擊以上均在部院衙門及各該衙門齋宿二日外任來京官文職道府以上武職協領副將以上在附近地方齋宿二日前祀一日各赴

壇外齋宿如遣官恭代王公不齋戒各官在署致齋三

日○饗

太廟祭

社稷王公在府第致齋三日文官郎中並郎中品級
官以上武官冠軍使輕車都尉叅將游擊以上
在署齋戒三日

日

月

前代帝王

先師

先農之祭王公在府第致齋二日文武各官在私第
齋戒二日遣官致祭王公均不致齋○乾隆七
年初建

先蠶壇

皇后親饗

先蠶之神致齋二日固倫公主福晉以下鄉君鎮國

公夫人以上文官副都御史命婦武官二品大
臣命婦以上無事故者均陪祀由內務府移各
該衙門知照本人於前期二日齋戒屆期詣

壇行禮○如遣

妃致祭公主福晉命婦致齋同○十四年

諭凡遇齋戒有衙署之大臣皆在各該衙門齋宿侍
衛在侍衛教場齋宿此定例也近來有衙署之大
臣內往往因兼別任不在該衙門齋宿而別尋他

處齋宿者侍衛等尚有稽察之人大臣等不在公所齋宿其他處則稽察所不到雖云尋他處齋宿究與在家何異凡祭祀齋宿者特以將其潔敬之意所關甚鉅此皆日久漸滋之陋習嗣後凡遇齋戒有衙署之大臣雖兼別職務著在各該衙門齋宿其無衙署之領侍衛內大臣散秩大臣等著在紫禁城內齋宿違者經朕察出定行治罪御前侍衛等亦著在紫禁城內齋宿欽此○十九年奏準

大祀

天

地

頒勅羣臣在京各衙門豫書於版凡有事於

圜丘

方澤

祈穀

雩祭均前期三日陳設公署正堂各官致齋以俟陪祀

及恭與執事

一

御齋宮乾隆七年

諭朕惟

郊壇祭祀必致誠敬以薦明禋歷來前期齋戒悉遵舊制往宿別殿今

郊壇建有齋宮若於致祭之期親詣齋宮更為祇肅該部詳酌妥議具奏欽此○又

諭

天壇

地壇舊制建有齋宮年久傾圯未經繕修朕意於大祀前期致誠赴壇齋宿行禮其應如何修建之處該部即前往相視繪圖呈覽至興修之時著委內務府熟諳工程之人仍會同工部太常寺委官一同監修欽此○又

諭

日

月壇舊有之具服殿該部亦前往相視應作如何修理詳細妥議具奏欽此遵

旨議準

圜丘

祈穀二壇共有齋宮一所

方澤壇

先農壇各有齋宮一所

日

月壇各有具服殿一所

圜丘

祈穀

方澤如遇

親詣行禮應於別殿齋戒二日

齋宮一日或遣官恭代亦令該承祭官詣壇齋宿

日

月

先農等壇均繫中祀致齋二日如遇

親詣行禮止於別殿齋戒至應行修葺之處交與該

衙門敬謹辦理

一玉六等冬至大祀

圜丘孟春

祈穀孟夏

常雩用蒼璧夏日至大祭

方澤用黃琮朝

日赤璧夕

月白璧均貯太常寺庫中祭

社黃珪祭

稷青珪貯本壇神庫均祭則陳之既事藏之

一制帛七等冬至祀

天於

圜丘用郊祀制帛十有二遇告祀用告祀制帛一色均

青

配位奉先制帛各一色白

大明位禮神制帛一色赤

夜明位禮神制帛一色白

星辰位禮神制帛十有一色青赤黃黑各一白七

雲雨風雷位禮神制帛四色青白黑黃各一

祈穀

雩祀均用告祀制帛一色青

配位

從壇帛均與冬至大祀同夏日至祭

地於

方澤用郊祀制帛一遇祭告用告祀制帛一色均黃

配位奉先制帛各一色白

五嶽

五鎮禮神制帛五青赤黃白黑各一

五陵山禮神制帛五色白

四海禮神制帛四各如其方色

四瀆禮神制帛四色黑饗

太廟每位用奉先制帛一東廡每位展親制帛一西廡

每位報功制帛一色皆白祭

社稷禮神制帛四色黑朝

日禮神制帛一色赤夕

月禮神制帛一色白

從壇禮神制帛十有一色青赤黃黑各一白七饗

前代帝王每位禮神制帛一色白兩廡每位素帛一

饗

先師正位暨四配禮神制帛各一十二哲兩廡均分

東西禮神制帛各一色皆白

崇聖祠正位每位用禮神制帛一配位東西共禮

神制帛四兩廡禮神制帛各一色皆白饗

先農

先蠶均禮神制帛一色青祀

天神祭

地祇

雲雨風雷為四壇禮神制帛四色青白黑黃各一
獄鎮五陵山海瀆為五壇

京畿名山大川及天下名山大川為四壇禮神制
帛二十有七色青三赤三黃二黑七白十有二
祀

太歲正位禮神制帛一兩廡四壇每壇一案每案禮

神制帛三色皆白祭

先醫正位禮神制帛三色皆白配位東西廡共素帛

四

關帝

城隍

北極佑聖真君

東嶽等廟各用禮神制帛一色皆白

火神廟用禮神制帛一色赤

賢良祠及配位均用素帛各一

昭忠祠

雙忠祠

定南武壯王祠及配位用報功帛各一餘均素

帛各一

一牲四等冬至大祀

圜丘夏日至大祭

方澤孟春

祈穀孟夏

雩祀均用犢

四從壇

大明

夜明用特

星辰

雲雨風雷

嶽鎮海瀆用太牢

太廟正殿及東廡

社稷壇

日壇

月壇

前代帝王

先師

先農

先蠶

神祇

太歲

先醫廟正位

關帝

城隍

火神

東嶽均用太牢

太廟西廡

前代帝王廟兩廡

文廟四配

崇聖祠

關帝廟後室

礮神

后土

司工之神

竈神

倉神

門神

賢良祠

昭忠祠

雙忠祠

定南武壯王等祠均用少牢

一樂四等順治元年奏準

圜丘九奏

方澤八奏

太廟六奏

社稷七奏

前代帝王

先師

太歲各六奏均用平字為樂章佳名

日壇七奏用曦字

月壇六奏用光字

先農壇七奏用豐字○乾隆七年奏準

先蠶壇六奏樂章用平字○又奏準祈禱

社稷壇樂七奏

神祇壇

太歲殿樂六奏樂章均用豐字

一佾舞

天

地

太廟

社稷

日

月

前代帝王

先農

神祇

太歲舞皆八佾文舞生六十四人武舞生六十四人

先師廟六佾文舞生三十六人

先蠶壇不用佾舞樂無鐘磬餘祭均無佾舞

一祝版

天壇純青紙朱書

地壇黃紙黃緣墨書

太廟

社稷壇均白紙黃緣墨書

日壇純朱紙朱書

月壇白紙黃緣黑書

前代帝王

先師

先農

先蠶

先醫

太歲

關帝

城隍

火神

東嶽

北極佑聖真君等祭祀均白紙黃緣墨書

礮神

竈神

倉神

門神

賢良祠

昭忠祠

雙忠祠

定南武壯王等祠均白紙墨書

一祭器乾隆十二年

諭國家敬

天尊

祖禮備樂和品物具陳告豐告潔所以將誠敬昭典則

也考之前古籩豆簠簋諸祭器或用金玉以示貴重或用陶匏以崇質素各有精義存乎其間歷代相承去古寔遠至明洪武時更定舊章祭品祭器悉遵古而祭器以瓷代之惟存其名我朝

壇

廟陳設祭品器亦用瓷蓋沿前明之舊

皇考世宗憲皇帝時考按經典範銅為器頒之

闕里俾為世守曾宣示廷臣穆然見古先遺則朕

思

壇

廟祭品既遵用古名則祭器亦應悉用古制以備隆儀
著大學士會同該部稽覈經圖審其名物度數制
作款式折衷至當詳議繪圖以聞朕將親為審定
勅所司敬謹製造用光禋祀稱朕意焉欽此遵
旨議準凡祭之籩以竹絲編造用絹為裏髹漆

郊壇之籩純漆

太廟畫以文采豆登簠簋

郊壇用陶

太廟之豆與簠簋皆用木髹漆飾以金玉登亦用陶銅則範銅而飾以金貯酒以尊

郊壇之尊用陶

太廟春用犧尊夏象尊秋著尊冬壺尊歲暮大祫用山尊均範銅為之獻酌以爵

圜丘

祈穀

常雩

方澤諸大祀用匏因其自然承以檀香墊座如爵之制
不雕不琢以昭尚質之義

太廟爵用玉兩廡用陶

社稷正位用玉爵一陶爵二配位用陶

日

月

先農

先蠶各壇之爵

社稷

日

月

先農

先蠶各壇豆登簠簋鉶尊均用陶

前代帝王

先師及諸人鬼之祭所用豆及登鉶簠簋尊爵用銅
不加金飾遵之用木者皆以竹易之又祭器用
陶必辨其色

圜丘

祈穀

常雩色用青

方澤色用黃

日壇用赤

月壇用白

社稷

先農用黃

太廟之登用陶黃質飾以華采其餘應用陶器者色皆從白盛帛以篚竹絲編造髹以漆亦各如其器之色其鉶式大小深廣均仍其舊載牲以俎木製髹以丹漆毛血盤用陶各從其色皆由內務

府辦理

一祭品登一實以大羹鉶二實以和羹簋二實
以黍稷簋二實以稻粱籩十有二實以形鹽菹
魚棗栗榛菱芡鹿脯白餅黑餅糗餌粉飧豆十
有二實以韭菹醢醢菁菹鹿醢芹菹兔醢筍菹
魚醢脾析豚拍醢食糝食冬至大祀

圜丘夏日至大祭

方澤孟春

祈穀孟夏

雩祀

正位

配位均太羹不和

太廟

社稷兼用太羹和羹皆備物

天

地從壇

大明

欽定四庫全書



欽定大清會典則例

卷七十五

五

夜明用太羹

星辰

雲雨風雷

嶽鎮海瀆

日

月

前代帝王

先師

先農

先蠶

太歲皆兼用太羹和羹

太廟東廡

先醫正配位用和羹均籩豆各十籩實無糗餌粉簋

豆實無醢食糝食

文廟四配

宗聖祠籩豆各八籩實無白餅黑餅豆實無脾析

豚拍

太廟西廡

帝王廟兩廡

文廟十二哲無太羹

文廟兩廡

崇聖祠配位兩廡無太羹和羹均籩豆各四籩實

無薨魚榛菱芡豆實無韭菹醢醢荀菹魚醢

一祭服

圜丘

祈穀

雩祀前祀一日

皇帝御齋宮御龍袍袞服祀日御天青禮服祭

方澤御明黃禮服朝

日御大紅禮服夕

月御玉色禮服其餘各祀皆御明黃禮服○王公以

下陪祀執事各官咸朝服○如遇雨雪太常寺

奏請常服行禮

一祀期順治元年定每歲冬至祀

天於

圜丘夏日至祭

地於

方澤正月上辛日祈穀於

上帝

太廟四孟時饗孟春擇上旬吉日夏秋冬均以孟月一

日歲暮禘祭大建於十二月二十九日小建於

二十八日春秋二仲月以上戊日祭

社稷孟春擇日及歲除前一日祀

太歲春二月冬十一月以上甲日祭

先醫○二年定

前代帝王以春秋二仲月擇日致祭饗

先師孔子以春秋二仲上丁日○又定每年八月二

十七日致祭

都城隍之神○八年題準建

日壇於東郊

月壇於西郊以春分日卯時朝

日秋分日酉時夕

月○又題準

萬壽聖節致祭

北極佑聖真君

東嶽

都城隍等廟○又定每年九月初一日祭

礮神○十一年定仲春亥日

親行耕藉禮即以是日饗

先農○是年

勅建定南武壯王孔有德祠春秋二仲太常寺堂官擇

日致祭○十六年

諭致祭

天

地

太廟

社稷不可不虔嗣後凡祭

圜丘

方澤朕於五鼓出宮祭

太廟

社稷於黎明出宮爾部永著為例先期一日奏聞欽

此○康熙二年定歲六月二十三日祭

司火之神○十二年

諭禮部各

壇廟祭祀國家大典必儀文詳備允符禮制乃可肅將
誠敬昭格神明其致祭時辰及齋戒稽諸往代各有
定制爾部宜察典例酌議妥確具奏欽此遵

旨議準凡祭

壇

廟均於黎明行禮惟夕

月用酉時○十九年

勅建恪僖公遏必隆祠歲以春秋致祭○雍正二年

勅建定南將軍勤襄公佟圖賴安北將軍忠勇公佟國

綱內大臣端純公佟國維大學士文襄公圖海

等祠暨昭忠祠歲以春秋致祭○三年題準

關帝廟除五月十三日致祭外更增春秋二祭○

八年

勅建賢良祠歲以春秋擇吉致祭○乾隆二年

勅建宏毅公額宜都祠歲遣太常寺堂官春秋致祭

○七年議準孟夏擇日行

常雩禮於

圜丘○是年議準建

先蠶壇每歲季春巳日

皇后親饗

先蠶○十四年

勅建內大臣恪僖公哈什屯尚書敏果公米思翰莊

愍公李榮保祠歲遣太常寺堂官春秋致祭○

十六年

勅建都統傅清左都御史拉布敦雙忠祠歲遣太常

寺堂官春秋致祭

一視牲順治十四年定大祀

郊壇前期五日

親詣犧牲所視牲或遣官恭代視牲如遣官恭代行禮

即承祭官視牲○

圜丘

方澤

祈穀

雩祀照例前期五日遣官一人恭代視牲前期二日遣

禮部堂官一人省牲○饗

太廟祭

社稷前期三日

日月壇

帝王廟

先師

先農

先蠶之祭前期二日均禮部堂官率太常卿屬至犧牲所省牲

一省齋展器乾隆十四年議準向例各

壇

廟祭日太常寺陳簫簋豆禮部委官會同御史監視

於典禮尚覺未協嗣後以禮部堂官一人敬率
太常卿等將事以昭嚴恪

一視犧牲

國初定太常寺先期咨取禮部官都察院御史光
祿寺等官職名屆期知會大祀

天

地各官咸朝服於前期一日子時赴壇監視犧牲

太廟

社稷壇

日月壇

前代帝王

先師廟

先農

先蠶壇均於黎明宰牲各官咸朝服監視宰羣祀宰牲
由太常寺官監視○乾隆十七年奏遵古天子
諸侯袒而割牲厥典甚鉅今監視宰牲止沿舊

例用御史禮部太常光祿寺司官嗣後太祀中
祀擬增光祿卿一人上香監視以昭慎重之義
一陪祀康熙二十五年

諭禮部朕惟敬

天奉

祖

郊祀廟饗必精白厥心竭誠致慎庶幾有孚昭格用洽
明禋朕於祭祀

壇廟每躬詣行禮未嘗不齋明祗濯實圖感通凡從事
於祀典者皆宜表裏精誠虔盡職掌近見執事陪祀
各官間有因循怠忽視為具文不能盡心致慤共効
昭事之忱殊為非禮嗣後務各秉誠心克恭祀事凡
行禮儀節始終整肅毋得慢易用副朕敬奉

天

祖至意欽此○三十九年覆準陪祀官故違不到向有
處分定例但日久事弛稽察不嚴以致怠玩嗣

後凡遇祭祀著部院堂官該旗都統察明咨送
太常寺若無事故假託不到都察院會同吏部
叅處○雍正九年題準各

壇

廟祭祀御史禮部官照例稽察外飭令陪祀執事官各
約束役從人等不得擅入柵闌仍令步軍統領
委官撥兵加謹巡察如有役從人等及轎夫車
馬喧擁者照例分別治罪其該管官故縱者亦

按律定議○十二年議準祀

天祭

地

祈穀陪祀大臣官員均在衙署齋宿至饗

太廟及祭各

壇

廟陪祀官向皆在家齋宿但滿漢官住居有城內城外之別若族啟城門趨赴行禮實有遲誤不及

入班之虞嗣後城內

壇

廟祭祀應令城外居住之大臣官員前期一日在各該

衙門齋宿其城外

壇

廟祭祀凡城內居住之大臣官員前期一日住城外附

近處齋宿如有臨期遲誤不及入班者察出叅

處○乾隆元年奏準陪祀官不應早入

壇

廟除禮部都察院並太常寺等衙門執事各官照舊先
入各司其事外其陪祀大小官員均豫於門外

齊集

太廟候

午門嚴鼓

社稷候

午門鳴鐘

天壇

地壇各

壇

廟候

齋宮鳴鐘時方許以次入內排班拱候如有先入
及登階觀望者察出叅劾○又奏準各祭祀之
期令鴻臚寺於陪祀官行禮之處豫設品級木
牌俾按次序立行禮不致錯亂班次○四年奏

準致祭城外城內

壇

廟太常寺行文步軍統領早啓城門以便陪祀各官隨班行禮○五年奏準每逢祭祀於陳設祭品之後即令御史會同太常寺官徧行巡察凡陪祀執事各官如有

壇

廟內涕唾咳嗽談笑喧譁者無論宗室覺羅大臣官員

即指名題叅○六年議準祀

日壇

皇帝入北門時北班陪祀各官就甬道之西東面立
祀

月壇北班陪祀各官就甬道之東西面立俟

皇帝嚮壇各就班次饗

先農壇東班陪祀各官於

皇帝入東門之前就甬道之南北面立俟

皇帝嚮壇各就班次○七年議準大祀

天

地先祀一日

皇帝御齋宮祀日親王以下輔國公以上均於五鼓

具朝服赴

壇於降輦鋪校薦處候

駕未入八分公暨宗室鎮國將軍以下奉恩將軍以

上均五鼓具朝服赴

壇按翼排班序立八旗滿洲蒙古漢軍公侯伯以下輕
車都尉佐領以上滿漢尚書以下員外郎並員
外郎品級官以上漢武官冠軍使叅將游擊以
上外任來京官文職督撫以下道府以上武職
將軍都統以下協領副將以上均由壇外齋宿
處赴

壇齊集陪祀如遣官恭代親王以下入八分公以上暨
內大臣侍衛不陪祀文武各官咸陪祀

太廟

社稷以下陪祀王公暨文官郎中並郎中品級官以上武官輕車都尉以上漢武官游擊以上陪祀均如前例○八年議準

郊壇祭祀先期一日

皇帝詣齋宮是日申酉時並祭日五鼓應稽察齋戒衙門均於

壇門外收職名陪祀官齊赴投遞餘祀本日於門外收

職名亦如之○十三年

諭致祭齊集之處向來皆收職名因日久苟且塞責並不按名稽察前往齊集之王公大小官員遂漫不為事怠惰成習嗣後如何委官按名嚴察不致遺漏著宗人府吏部兵部都察院會同詳細妥議具奏欽此遵

旨議準王公由宗人府委官開列名單於齊集處稽察其已到者於名單內加圈鎮國將軍以下至

宗室官員由宗人府文職由吏部武職由兵部
開列職名咨送都察院稽察吏部滿漢官亦由
都察院稽察宗人府吏部兵部都察院各繕名
摺具奏其因他處齊集不能到者於摺內聲明
緣由無故不到者叅處若冊內緣故不符或開
列齊集而不投遞職名稽察官呈明叅奏倘該
員不行詳察及察出贍徇不呈叅者一并叅處
至齊集之日臨期有患病等情亦必聲明緣由

知照稽察衙門不陪祀之親王以下宗室覺羅
有頂帶官員以上滿漢文職京營武職有頂帶
官員以上外藩來京蒙古王以下台吉以上均
於祀日五鼓朝服赴

午門外按翼齊集候

駕出入跪送跪迎

一恭請

神牌順治四年定恭奉

太廟

神牌用大學士尚書都統○康熙九年題準

太廟恭奉

神牌

後殿用覺羅官

前殿用侍衛○雍正十一年奏準饗

太廟奉

神牌請照

奉先殿用內務府官之例用太常寺官○乾隆元年奏

準各

壇

廟祭祀均於質明行事向來太常寺官於曉鐘時即請

神牌安設俟

皇帝駕至行禮嗣後祭

天

地

祈穀應竢

齋宮鳴鐘時請

神牌各祭於

皇帝降輿時請

神牌

皇帝駕至均於幄次內恭候奉安

神位畢太常寺堂官奏請行禮○七年奏準向例各

壇

廟供奉

神牌每月朔望奉祀官詣

殿上香嗣後凡

天壇

祈穀壇

地壇

太廟每月朔望前一日仍令看守各官啓

殿拂拭

神幄屆期太常寺堂官各一人上香行禮以昭誠敬其

餘

壇

廟均令奉祀官行禮○十四年奏準祭日請送

神牌向用太常祀官恭奉嗣後請令禮部尚書一人上

香行禮其恭奉

神牌仍用太常寺官

太廟神牌用宗室覺羅官恭奉其上行禮令宗人府

王公暨朔望上香之王公內每祭以二人將事
一執事侍儀順治八年定凡

親祭

壇

廟恭接福胙均用侍衛○十六年定凡恭奉福胙均用
禮部官○康熙十年題準每餐

太廟

後殿獻爵用覺羅官

親詣致祭

前殿獻爵接福胙用侍衛餘執事用太常寺官其各

壇

廟

皇帝親祭接福胙均用侍衛餘執事用太常寺滿漢

官○又題準凡祭各

壇

廟

親詣行禮應用光祿寺堂官恭奉福胙。雍正五年
奉

旨嗣後大祭祀太常寺官有不敷用移取鴻臚寺官。
七年

諭聞祭祀之先太常寺即於
壇

廟中演禮雖義取嫻熟禮儀實非潔齋嚴肅之道嗣後
應於何處演禮著禮部議奏遵

旨議準向來各祭祀皆於前二日赴

天壇凝禧殿演禮前期一日復至各

壇

廟中演禮嗣後應令執事等官均以前二日演禮於

凝禧殿停其前一日赴

壇

廟演禮○十一年奏準向例

太廟獻爵用侍衛獻帛用太常寺官請照

奉先殿制饗

太廟獻帛爵均用侍衛○乾隆元年議準

太廟奠帛獻爵用宗室侍衛四十人宗室將軍官員二

十人分班奠帛獻爵○三年奏準增宗室將軍

六人○九年議準

太廟後殿獻爵用覺羅官二十四人○十年奏準朔望

太廟上香

欽點王貝勒貝子公專司其事○十二年

諭向來祭饗

太廟獻爵奠帛用侍衛及太常寺官朕御極後悉令用宗室人員蓋因宗支繁衍實惟

祖德所詒一氣感孚昭格尤為親切且使駿奔走執豆籩有事為榮亦得服習禮儀陶鎔氣質意蓋有在但演習禮節太常寺實所專司宗室既非所屬未必聽其指使嗣後每逢祭祀之期著令宗人府王公一人前往監視俾進退優嫺執事有恪以昭誠

敬欽此○十四年

諭稽古虞書秩宗典三禮周官宗伯掌邦禮而首以
吉禮事邦國之鬼神元春官典祀職莫重焉乃者
郊壇

宗廟以太常為專司而禮部堂官不蒞其事非古也治
神人和上下敬服乃職其所有事者何在大學士
會同該部並會典館總裁官詳議以聞欽此遵

旨議準

兩郊大祀

皇帝先期躬省

壇位

親閱籩豆禮部尚書侍郎皆陪從侍儀視牲省牲仍

照例題請

宗廟

社稷

日月

先農各壇

前代帝王

先師孔子廟祭前期省牲及祭日視陳簠簋籩豆均
以禮部堂官一人敬率太常卿等將事以昭嚴
恪再

壇廟內

躬親對越之地並用禮部堂官二人都察院堂官二
人分立東西侍儀以隆體制其陪祀王公百官

行禮處監禮仍用御史禮部司官

一祭告凡

登極上

尊號

徽號加上

徽號

皇太后聖壽大慶

萬壽聖節大慶

冊立

皇太子均先期遣官祇告

天

地

宗廟

社稷並致祭

嶽鎮海瀆

前代帝王陵寢

先師闕里○

大婚

冊立

皇后先期祇告

天

地

太廟尊封

太妃

冊封

皇貴妃

貴妃

妃

嬪祇告

太廟後殿

奉先殿○升祔

太廟配饗

郊壇遣官祇告

天

地

宗廟

社稷並致祭

前代帝王陵寢

先師闕里追上

尊諡

廟號加上

尊謚奉移

梓宮建造

陵寢奉安

地宮遣官祇告

天

地

太廟後殿

奉先殿

社稷並致祭

陵寢

几筵

后土

陵山○

親征

命將遣官祇告

天

地

宗廟

社稷

太歲

火礮

道路之神大軍凱旋平定邊徼並祇告

奉先殿致祭

陵寢釋奠於太學致祭

嶽鎮海瀆

前代帝王陵寢

先師闕里○

皇帝展謁

陵寢及

巡狩方岳均祇告

奉先殿回

鑾至京同○

皇帝巡幸所至

親祭方岳未至之地

特命督撫就近遴委大員遍祭

嶽鎮海瀆所過

名山大川分遣筆帖式由京齎送祭文香帛

帝王陵寢先聖先賢忠烈祠墓前代暨

本朝名臣在三十里以內者均遣官致祭

詳見
巡幸

典則
○歲暮祫祭功臣配

廟皆先期祇告

太廟中殿

後殿

躬耕藉田祇告

奉先殿

皇帝御經筵祇告

奉先殿

傳心殿○修建

郊壇

太廟

奉先殿

宮殿

御新宮均遣官祇告

天

地

宗廟

社稷興工破土安礫石合龍安門均遣官致祭

后土

司工之神迎吻祭

琉璃窑並經過之

壇

廟正門

皇城

紫禁城各門如修建

嶽鎮海瀆及諸神廟宇

特頒御書並遣官懸匾致祭○歲旱祈雨遣官祇告

天神

地祇

太歲○越七日祭告

社稷壇三復不雨乃行

大雩禮○以上各祭告祝文均由翰林院撰擬香帛祭

品由太常寺承辦遣祭外省應用祭品由所在
地方官敬謹辦理○

嶽鎮海瀆遣致祭官共九人北鎮一人長白山北海
一人東嶽東鎮一人西嶽西鎮江瀆一人中嶽
淮瀆濟瀆一人南嶽一人北嶽中鎮西海河瀆
一人南鎮一人南海一人

帝王陵寢

先師闕里遣致祭官共八人太昊商高宗漢光武帝

周世宗宋太祖太宗真宗仁宗陵一人神農帝
舜陵一人女媧商湯陵一人黃帝周文王武王
成王康王漢高祖文帝宣帝後魏孝文帝唐高
祖太宗憲宗宣宗陵一人少昊帝堯陵先師闕
里一人顓頊帝饒商中宗金太祖世宗元太祖
世祖明宣宗孝宗世宗陵一人夏禹王明太祖
陵一人遼太祖陵一人各用典守香帛祭文筆
帖式一人其專祭

帝王陵寢


先師闕里者帝王陵遣官八人闕里專遣官一人均由部開列侍郎以下四品堂官以上職名恭候欽命兵部給與勘合各給

欽差牌御仗龍旗黃繖欽天監選擇吉日屆期陳祭文香帛於

中和殿恭請

皇帝親閱遣行如不

親閱本部堂官謹閱祭文香帛實封陳於本部堂上
堂官一人具朝服祇授承祭官交筆帖式齎奉
前往



欽定大清會典則例卷七十五